

11. gr.

121

Fánastöng skal vera við húsið; hún skal vera traustlega fest og máluð hvít. Húnn og snerill mega þó vera í öðrum lit. Fánasnúran skal ávallt vera heil. Stöngin skal vera í tveimur hlutum, þannig að auðvelt sé að fella hana, t. d. ef skipta þarf um snúru eða mála stöngina. Þess skal vandlega gætt, að nota eingöngu fána með réttum litum og hlutföllum.

12. gr.

Árlega skal athuga alla húseignina vandlega með viðgerð fyrir augum. Einkum skal athuga múrhúðun, þak og þakrennur, niðurföll, hurðir og dyraumbúnaði, glugga (utan og innan), málningu, gólfduka, klæðningu veggja, hreinlætistöki, eldavél og hitunartæki, raflagnir og ljósatæki, vatnslögn og krana, gluggatjöld, leiksviðstjöld, gólf í samkomusal o. s. frv.

13. gr.

Skemmdir á húseign, áhöldum og húsbúnaði, umfram eðlilegt slit, skulu þeir kosta, er spjöllunum valda.

14. gr.

Í félagsheimilinu má hvorki veita áfengi né neyta þess. Húsnefnd getur svipt þá, sem gegn þessu brjóta, aðgangi að félagsheimilinu um tiltekinn tíma.

15. gr.

Reglur þessar, sem settar eru með skírskotun til 8. gr. laga nr. 77 frá 5. júní 1947, um félagsheimili, öðlast gildi þegar menntamálaráðuneytið hefur staðfest þær.

Framanskráðar reglur staðfestast hér með.

Í menntamálaráðuneytinu, 14. október 1955.

F. h. r.

Birgir Thorlacius.

Jóhannes Eliasson.

AUGLÝSING

122

um virðingar til brunatryggingar á húseignum samkvæmt lögum
nr. 59 24. apríl 1954.

19. okt.

1. gr.

Bæjar- og sveitarstjórnir skulu sjá um, að hlutaðeigandi dómari dómkveðji matsmenn — tvo aðalmenn og tvo til vara — til þess að framkvæma virðingar til brunatryggingar á húseignum þeim, sem lög nr. 59 24. apríl 1954, um brunatryggingar utan Reykjavíkur, ná til.

2. gr.

Markmið virðingarinnar er að finna hið sanna váttryggingarverðmæti eignarinnar á þeim tíma, sem virðingin fer fram. Í þessu augnamiði skal í virðingunni lýsa nákvæmlega hverju einstöku húsi. Á grundvelli þeirrar lýsingar skal svo ákveða hvað kosta muni að byggja slíkt hús.

122

19. okt.

3. gr.
Pegar um endurmat á eldri húsum er að ræða, skal draga frá nýbyggingarupphæð hússins hæfilega upphæð fyrir sliti og elli í hlutfalli við aldur þess og í samræmi við meðferð og viðhald á því.

4. gr.

Við virðinguna má ekki taka neitt tillit til þess, sem hér segir: Verðmætis lóðarinnar, legu hússins, verðmætis þess í kaupum og sölum, tekna er það gefur eða réttinda, er því fylgja.

5. gr.

Rita skal allar virðingar í sérstaka virðingabók, sem stjórnarráðið löggildir, og skal hver virðing undirrituð af virðingarmönnum og umboðsmanni viðkomandi tryggingarfélags.

6. gr.

Fyrir almenna virðingu á hverri áhættu skal váttryggði greiða sem hér segir:

a. Fyrir hús, sem virt eru á allt að kr. 20 000.00	kr. 36.00
b. Fyrir hús, sem virt eru á allt frá kr. 20 000.00 til kr. 50 000.00	— 72.00
c. Fyrir hús, sem virt eru á allt frá kr. 50 000.00 til kr. 200 000.00 ...	— 120.00
d. Fyrir hús, sem virt eru á allt frá kr. 200 000.00 til kr. 500 000.00 ..	— 180.00
e. Fyrir hús, sem virt eru á allt frá kr. 500 000.00 til kr. 1 000 000.00 .	— 240.00
f. Fyrir hús, sem virt eru á allt frá kr. 1 000 000.00 til kr. 2 000 000.00 —	300.00
g. Fyrir hús, sem virt eru á allt frá kr. 2 000 000.00 til kr. 3 000 000.00 —	450.00
h. Fyrir hús, sem virt eru á kr. 3 000 000.00 og yfir	— 750.00

Ef virðingargerð stendur lengur en 1 dag telst ofanskráð gjald fyrir hvern virðingardag. Ef einhver virðing er sérstaklega erfið, er framkvæmdastjóra viðkomandi váttryggingarfélags heimilt að ákveða herra gjald fyrir hana en hér segir. Virðingargjaldið skiptist jafnt milli umboðsmanna félaganna og virðingarmanna, að $\frac{1}{3}$ til hvers. Fyrir yfirmat greiðist tvöfalt gjald það, sem ákveðið er fyrir almenna virðingu.

Félagsmálaráðuneytið, 19. október 1955.

Steingrímur Steinþórsson.

Hjálmar Vilhjálmsson.

123

19. okt.

ARÐSKRÁ

fyrir fiskræktar- og veiðifélagið Blanda í Húnavatnssýslu.

<i>Bæjanöfn:</i>	<i>Arður:</i>	<i>Bæjanöfn:</i>	<i>Arður:</i>
1. Auðkúluheiði	15 ein.	10. Kárastaðir	30 ein.
2. Þröm	5 —	11. Ásar	27 —
3. Eldjárnsstaðir	15 —	12. Hamar	31 —
4. Eiðsstaðir	16 —	13. Gunnfríðarstaðir	11 —
5. Guðlaugsstaðir	19 —	14. Kagaðarhóll	22 —
6. Höllustaðir	13 —	15. Smyrlaberg	16 —
7. Syðri-Löngumýri	10 —	16. Kaldakinn	43 —
8. Ytri-Löngumýri	10 —	17. Blönduóshreppur og	
9. Tungunes	36 —	Hnúkar	1517 —